

serpentes tollent. Et si mortiferum quid biberint, non eis nocbit. Super ægros manus imponent et bene habebunt. Et Dominus quidem Jesus, postquam locutus est eis, assumpitus est in cœlum, et sedet à dextris Dei. Illi autem profecti prædicaverunt ubique, Domino cooperante, et sermonem confirmante sequentibus signis.

℣. Dominus vobiscum. ℣. Et cum spiritu tuo.
℣. Sequentia sancti Evangelii secundum Lucam.
℟. Gloria tibi Domine.

In illo tempore: Descendit Jesus in Capharnaum civitatem Galilææ, ibique docebat illos Sabbatis: et stupebant in doctrina ejus, quia in potestate erat sermo ipsius. Et in synagoga erat homo habens dæmonium immundum. Et exclamavit voce magna, dicens: Sine; quid nobis, et tibi Jesu Nazarene? Venisti perdere nos? Scio te, quis sis, Sanctus Dei. Et increpavit illum Jesus, dicens: Obmutesce, et exi ab eo; et cum projecisset illum dæmonium in medium, exiit ab illo, nihilque illum nocuit.

℣. Dominus vobiscum. ℣. Et cum spiritu tuo.
℣. Sequentia sancti Evangelii secundum Joannem.
℟. Gloria tibi Domine.

In illo tempore: Dixit Jesus turbis Judæorum: Nunc iudicium est mundi: nunc princeps hujus mundi ejicietur foras. Et ego si exaltatus fuero à terra omnia traham ad me ipsum. Hoc autem dicebat, significans qua morte esset moriturus. Respondit ei turba: Nos audivimus ex lege, quia Christus manet in æternum: et quomodo tu dicis, oportet exaltari Filium hominis? Et quis est iste Filius hominis? Dixit ergo eis Jesus: Adhuc modicum lumen in vobis est: ambulate dum lucem habetis: ut non tenebræ vos comprehendant. Et qui ambulat in tenebris, nescit quo vadat. Dum lucem habetis, credite in lucem, ut filii lucis sitis.

Finitis Evangelii Sacerdos osculetur librum dicens: Per Evangelia dicta deleantur nostra delicta. ℣. Amen.

Et energumenus dicat Symbolum Apostolorum, præeunte Sacerdote; et dicto, Sacerdos:

Kyrie eleison. Christe eleison. Kyrie eleison. Pater noster.
℣. Et ne nos inducas in tentationem, etc.
℣. Mitte ei, Domine, auxilium de sancto, etc.

OREMUS.

Omnipotens Domine, Verbum Patris, Christe Jesu, qui sanctis Apostolis tuis dedisti potestatem calcandi super serpentes, et scorpiones, et super omnem virtutem inimici; et cuius virtute victus tamquam fulgor de cœlo Satanás cecidit: tuum nomen tremens, supplex deprecor, ut mihi indig-nissimo servo tuo, data venia peccatorum, confidentiam, et virtutem donare digneris, ut crudelem draconem brachii tui potentia securus aggrediar. Qui vivis, et regnas, etc.

℟. Amen.

OREMUS.

Omnipotens sempiterne Deus, à cujus facie cœli distillant, montes sicut cera liquecunt, terra tremit, cui patent abyssi, quem infernus pavescit, te supplex deprecor, et invocatione tui nominis hujus famuli tui N. (vel famulæ tuæ N.) anima à vexatione liberata ad auctorem suæ salutis recurrit, liberatoremque suum, diabolico depulso fœtore, et odore suavissimo Spiritus Sancti præcepto, sequatur Dominum nostrum Jesum Christum Filium tuum. Qui tecum vivit, etc.

℟. Amen.

Postea Sacerdos tenens Crucem manu dextra, et intuens in dæmoniacum, dicat:

Ecce lignum sanctissimæ Crucis (vel si in ea non sit lignum Crucis): Ecce Crucem Domini, fugite partes adversæ: vicit enim vos, et mundum Dominus Jesus-Christus Filius Dei imperator summus, Leo de tribu Juda, radix David. (Et dat Crucem energumeno osculandam, dicendo ambo simul): Adoramus te, Christe, et benedicimus tibi, quia per sanctam Crucem tuam redemisti mundum.

Deinde imponens extremam partem stolæ super obsessum, dicat:

℣. Adjutorium nostrum in nomine Domini, etc.

Exorcizo te, immunde spiritus, per Patrem, et Filium, et Spiritum Sanctum, ut ex eas, et recedas ab hoc famulo Dei, N. (*vel* ab hac famula Dei, N.) ipse enim tibi imperat, maledicte dammate, qui pedibus super mare ambulavit, et Petro, ne mergeretur, dexteram porrexit: qui cæco nato oculos aperuit, et quatriduanum Lazarum de monumento suscitavit. Ergo maledicte diabole, recognosce sententiam tuam, et da honorem Deo vivo et vero: da honorem Jesu Christo, Filio ejus, et Spiritui Sancto, et recede ab hoc famulo tuo N. (*vel* ab hac famula tua N.). Et hoc signum Sanctæ Crucis quod nos fronti ejus damus, tu, maledicte diabole, numquam audeas violare: Per eum, qui venturus est judicare vivos, et mortuos, et sæculum per ignem. ℣. Amen.

Audi maledicte Satana, adjuratus per nomen æterni Dei, et Salvatoris nostri Jesu-Christi Filii ejus, cum tua victus invidia, tremens, gemensque discede. Nihil tibi sit commune cum servo Dei, N. (*vel* ancilla Dei, N.). Da igitur honorem advenienti Spiritui Sancto, qui ex summa coeli arce descendens, perturbatis fraudibus tuis, mundum sibi templum, et habitaculum perficiat: ut ab omni penitus vexatione liberatus servus Dei (*vel* liberata ancilla Dei), gratias perenni Deo referat semper, et benedicat nomen ejus in sæcula sæculorum. ℣. Amen.

Postea Sacerdos tenens manus super caput energumeni, dicat:

Non te lateat, Satana, imminere tibi poenas, imminere tibi tormenta, imminere tibi diem judicii, diemque supplicii sempiterni, diem, qui venturus est velut clibanus ardens, in quo tibi, atque universis angelis tuis, æternus superveniet interitus. Proinde dammate, atque damnande, da honorem Deo, vivo, et vero: da honorem Jesu-Christo Filio ejus et Spiritui Sancto, in cuius nomine, et virtute ego præcipio tibi, quicumque es, spiritus immunde, ut ex eas, et recedas

ab hoc famulo Dei, N. (*vel* ab hac famula Dei, N.) quem (*vel* quam), Deus, et Dominus noster Jesus-Christus, pretioso sanguine suo redimere dignatus est: Qui venturus est judicare vivos, et mortuos, et sæculum per ignem. ℣. Amen.

Exi, spiritus immunde, ab hac creatura Dei, nec in ea præsumas amplius introire: Ipse tibi imperat, maledicte diabole, qui te de supernis celorum in inferiora terre demergi, qui te retrorsum abire præcepit. Tu ergo, nequissime spiritus, humani generis inimice, mortis adductor, vitæ raptor, justitiae declinator, malorum radix, seductor hominum, incitator invidiæ, causa discordiæ, pater mendaciæ: illum metue, qui in Isaac immolatus est, in Joseph venundatus, in Agno occisus, in homine crucifixus, qui deinde inferni triumphator extitit gloriosus. Recede ergo in nomine Patris, et Filii, et Spiritus Sancti ab hoc famulo Dei (*vel* ab hac famula Dei), et ne amplius introeas in eum (*vel* eam), in virtute Domini nostri Jesu-Christi, qui venturus est judicare vivos, et mortuos, et sæculum per ignem.

℟. Amen.

℣. Benedicamus Patrem, et Filium cum Sancto Spiritu.

℟. Laudemus et superexaltemus eum in sæcula.

℣. Redde mihi lætitiam salutaris tui.

℟. Et spiritu principali confirma me.

℣. Dignare me laudare te Virgo sacra.

℟. Da mihi virtutem contra hostes tuos.

℣. Ora pro nobis beata Thecla, etc.

℟. Omnes Sancti, et Sanctæ Dei, etc.

OREMUS.

Omnipotens sempiterne Deus, qui dedisti famulis tuis, in confessione veræ fidei, æternæ Trinitatis gloriam agnoscerre, et in potentia Majestatis, adorare unitatem: quæsumus, ut ejusdem fidei firmitate ab omnibus muniamur adversis.

Deus, qui corda fidelium Sancti Spiritus illustratione docuisti: da nobis in eodem spiritu recta sapere, et de ejus semper consolatione gaudere.

Protege Domine famulos tuos subsidiis pacis, et Beatae Mariæ semper Virginis patrocinio confidentes à cunctis hostibus, et periculis redde securos.

Da quæsumus, omnipotens Deus: ut qui beatæ Theclæ virginis, et Martyris tuæ commemorationem colimus, et annua solemnitate lætemur, et tantæ fidei proficiamus exemplo.

Omnipotens sempiterne Deus, qui nos omnium Sanctorum tuorum merita sub una tribuisti celebritate venerari: quæsumus, ut desideratam nobis tuæ propitiationis abundantiam multiplicatis intercessoribus largiaris. Per Dominum nostrum, etc.

Benedic energumeno dicens:

Benedictio Dei Patris ☧ omnipotentis, et Fi ☧ lii et Spiritus ☧ Sancti descendat super te, et maneat semper.

℟. Amen. *Eumque aspergat aqua benedicta.*

ALIA FORMA EXORCIZANDI A DÆMONE VEXATOS.

Præparatio facienda semper flexis genibus initio cujuslibet conjurationis.

Pater noster, Ave Maria, et Credo in Deum.

Sancta Maria,	ora pro nobis.
Omnes Sancti Angeli, et Archangeli,	orate.
Omnes Sancti Spirituum Ordines,	orate.
Omnes Sancti Patriarchæ, et Prophetæ,	orate.
Omnes Sancti Apostoli, et Evangelistæ,	orate.
Omnes Sancti Discipuli Domini,	orate.
Omnes Sancti Martyres,	orate.
Omnes Sancti Confessores,	orate.
Omnes Sanctæ Virgines, et Viduæ,	orate.
Omnes Sancti, et Sanctæ Dei,	orate.
Kyrie eleison. Christe eleison. Kyrie eleison. Pater noster.	
℣. Et ne nos inducas in, etc. ℟. Sed libera nos à malo.	
℣. Salvos fac servos tuos. ℟. Deus meus sperantes in te.	
℣. Mitte nobis auxilium de sancto.	
℟. Et de Sion tuere nos.	

℣. Esto nobis, Domine, turris fortitudinis.

℟. A facie inimici.

℣. Nihil proficiat inimicus in, etc. ℟. Et filius, etc.

℣. Domine, exaudi, etc. ℣. Dominus vobiscum, etc.

OREMUS.

Omnipotens, æterne Deus, Pater misericordiarum, et Deus totius consolationis, respice in afflictionem nostram, et adjuva nos sperantes in te, et fugientes ad viscera misericordiæ tuae contrito et humili corde: placare, Domine, ab ira tua, et converte vultum tuum ad nos, et miserere nostri: magna est iniqitas nostra, sed major est bonitas tua, in qua confisi, te invocamus, tè adoramus, benedicimus, et obsecramus: ut exterminare, et fugare digneris omnes spiritus malignos vexantes hanc creaturam. Per Christum, etc.

OREMUS.

Deus, qui Beato Zenoni Confessori tuo gratiam expellendi dæmones de quocumque loco tribuisti, præsta mihi indigno famulo tuo, per ipsius merita, et per intercessionem Beatissimæ Virginis Marie, et Sancti Josephi sui Sponsi, et Sancti N. et omnium Sanctorum: ut omnis spiritus malignus ab ista, et ab omnibus aliis creaturis fugare valeat.

Intercessio nos, quæsumus Domine, Beati Antonii Abbatis commendet, ut quod nostris meritis non valemus, ejus patrocinio assequamur. Per Christum, etc.

Surgat, dicant omnes Confiteor Deo, et postea Sacerdos:

Misereatur vestri, etc. Indulgentiam, absolutionem, etc.

Omnes: Credo in Deum.

℣. Benedicamus Patrem, et Filium, cum Sancto Spiritu.

℟. Laudemus, et superexaltemus eum in sæcula.

℣. Dominus vobiscum. ℟. Et cum spiritu tuo.

OREMUS.

Omnipotens sempiterne Deus, qui dedisti famulis tuis, in confessione veræ fidei, æternæ Trinitatis gloriam agnoscere,

et in potentia majestatis tuæ adorare unitatem; quæsumus,
ut ejusdem fidei firmitate ab omnibus semper muniamur ad-
versis. Per Christum, etc.

Conversus ad energumenum, dicat:

Exorcizo **X** te N. in nomine Dei Patris omnipotentis, et
in nomine Jesu-Christi **X** Filii ejus Domini nostri, et in virtute Spiritus **X** Sancti; ut fiat vas mundum, sanctum, et pur-
gatum ab omni labo iniquitatis, et ab omnibus infirmitatibus,
maleficiis, incantationibus, ligaturis, et facturis in corpore
tuo, vel circa, in domo, aut in qualibet parte factis; tam per
diabolum, quam per quodlibet membrum ejus, quæ omnia
maleficia in nomine Sanctissimæ Trinitatis dissolvo, atque
dissoluta esse decerno: et ligo te maledicte diabolo, ac socios
tuos, et ministros, ut amplius non habeatis potestatem ma-
nendi in hoc corpore à planta pedis usque ad verticem capi-
tis, sed statim recedere debeatis cum omnibus maleficiis ves-
tris. **R.** Amen.

Aspergat eum aqua benedicta, dicens:

Per aspersionem hujus aquæ, cum Dei adjutorio, destruan-
tur in te omnia maleficia diaboli, et ipse diabolus manifeste-
re exeat à te, et infundatur virtus Spiritus Sancti. **R.** Amen.

Det ei crucem deosculandam, dicens:

Ecce Crucem Domini nostri Jesu-Christi, fugite partes
adversæ, vicit Leo de tribu Juda, radix David, Alleluia.

Præcipiat daemoni ut taceat, dicens:

Immunde spiritus, quicumque es, adjuro **X** te per Deum
vivum, et verum, et omnes socios tuos existentes, obsiden-
tes, et quomodocumque vexantes hanc creaturam Dei, et in
honorem sacrorum mysteriorum Incarnationis, Nativitatis,
Passionis, Resurrectionis, et Ascensionis Domini nostri Je-
su-Christi, præcipio vobis, ne loquamini, nisi quod verum
est, et redundare potest in laudem, et gloriam Dei, quod
nec contra me, neque contra circumstantes dicatis quid-
quam; nec creaturam istam noceatis in anima, nec torqueatis
in corpore.

Item conjuro **X** vos, per Sacratissimam Virginem Mariam,

et per Sanctum Joseph ejus Sponsum, et per merita Sancti N., et præcipio vobis, ut major vestrum ascendat ad lin-
guam, et dicat mihi absque fallacia nomen suum, et quot
legiones estis, causamque propter quam vexatis creaturam
istam, ac diem, et horam exitus vestri, cum signo extincio-
nis luminis N. sub pena mittendi vos in stagnum ignis, et
sulphuris.

In nomine Pa**X**tris, et Fi**X**lli, et Spiritus **X** Sancti ligo
vos spiritus rebelles, ubicumque sitis in corpore isto, privo-
que vos ab omni virtute imperandi, et præcipio vobis, ut in
continenti verba conjurationis meæ intelligatis, et præcepto
nunc vobis facto, ab ista creatura non audeatis, nec possitis
recedere: sed sitis ligati, et concatenati, donec à me, aut
ab alio Exorcista solvamini.

Eodem modo conjuro **X**, ligo, et præcipio omnibus, et
singulis spiritibus immundis existentibus in aere, in terra, in
aquis, et in inferno, sive in aliqua alia creatura, quod nullo
modo adjuvent, nec obediant vobis, nec accedant ad creatu-
ram istam, sub pœnis supradictis.

Si rebelles fuerint, petat auxilium à Domino dicens:

V. Exurge Christe, adjuva nos.

R. Et libera nos propter nomen tuum.

V. Domine exaudi, etc. **R.** Dominus vobiscum, etc.

OREMUS.

Omnipotens Domine, Verbum Patris, Jesu Redemptor nos-
ter, qui Sanctis Apostolis tuis dedisti potestatem calcandi su-
per serpentes, et qui inter cetera mirabilium tuorum præ-
cepta, dignatus es dicere: *Infirmos curate, mortuos suscitare,
leprosos mundate, et dæmones ejicite: te humiliter deprecor,
ut mihi indigno servo tuo, data venia delictorum meorum,
constantem fidem, et virtutem donare digneris, ut hunc cru-
delem dæmonem cum sociis et comitatu suo brachii tui sancti
munitus potentia, fiderenter, et securus aggrediar: Per te
Jesu Redemptor noster, qui cum Patre, etc.*

V. Dominus vobiscum. **R.** Et cum spiritu tuo.

ꝝ. Sequentia sancti Evangelii secundum Lucam.

℟. Gloria tibi Domine.

In illo tempore: Erat Jesus ejiciens dæmonium, et illud erat mutum, et cum ejecisset dæmonium, locutus est mutus, et admiratae sunt turbæ.

Per Evangelica dicta, et per impositionem manuum nostrarum, separetur à te omnis infirmitas, et malitia diaboli, et si qui sunt dæmones intra corpus tuum, exeant à te cum signo evidenti, et ingrediatur virtus divina. ℟. Amen.

Adjuratio I.

Exorcizo ✕ te, immunde spiritus, omnis incurso adversarii, omne phantasma, omnis legio in nomine Domini nostri Jesu-Christi; ut ex eas, et recedas in sempiternum ab hoc plasmate Dei. Ipse tibi imperat, qui te de supernis cœlorum in inferiora terræ demergi præcepit. Ipse tibi imperat, qui mare, ventos, et tempestates sedavit.

Audi ergo, et time, Satana, inimice fidei, hostis generis humani, mortis adductor, vitæ raptor, justitiæ declinator, malorum radix, somes vitiorum, seductor hominum, proditor gentium, incitator invidiæ, causa discordiæ, ac denique villane, rustice: quid hic stas, et resistis, cum scias Christum vias tuas perdere? Time illum, qui in Isaac immolatus, in Joseph venumdatus, in agno occisus, in homine crucifixus, inferni triumphator fuit.

Præceptum, quod repeti potest iterum et saepius post quamlibet conjurationem:

Recede, maledicte diabole, conjuratus ✕ et in æternum expulsus, in nomine Pa ✕ tris, et Fi ✕ lii, et Spiritus ✕ Sancti. Da locum Spiritui Sancto, per hoc signum ✕ (*in fronte*) sanctæ Crucis Jesu-Christi Domini nostri, cuius virtute sit tibi, et sociis tuis hujus corporis habitatio in confusionem, et augmentum penarum infernalium, de instanti ad instans, in centies centena millia, et millies millia millium plusquam pena eorum, qui in profundo inferni cruciantur. Non re-

quiescas, nec cesses à labore continuo, donec solutis omnibus maleficiis, infirmitatibus et doloribus tam animæ, quam corporis, et porrigena signum verum, discedas in sempiternum à creatura ista, cum omni comitatu tuo. ℟. Amen.

Da honorem Deo vivo, et vero, maledicte diabole, canis rabide, dracoque infernalis. Da honorem Jesu-Christo Domino nostro. Da honorem Spiritui Sancto Paraclito, recede ab hoc famulo Dei, et dum non exieris, hoc signum Sanctæ Crucis, quod nos in fronte ejus facimus, sit tibi, et sociis tuis flagellum durissimum, quo cruciemini. ℟. Amen.

ꝝ. Exurgat Deus, et dissipentur inimici ejus.

℟. Et fugiant qui oderunt eum à facie ejus.

ꝝ. Dominus vobiscum. ℟. Et cum spiritu tuo.

OREMUS.

Deus conditor generis humani, qui hominem ad imaginem tuam formasti, respice super hunc famulum tuum, qui dolis immundi spiritus appetitur, quem adversarius, antiquus hostis terræ formidinis horrore circumvolat, et mentis humanæ sensum stupore defigit, terrore conturbat, et metu trepidi timoris exagit. Repelle, Domine, virtutem diaboli, falacesque insidias ejus amove: procul impius tentator effugiat. Sit Sanctæ Crucis ✕ sigillo famulus tuus munitus in anima, et corpore (*faciat ei tres Cruces in pectore, dicens*): Tu peccatoris hujus ✕ interna custodias. Tu vis ✕ cera regas. Tu cor con ✕ firmes: ut ab anima adversatricis potestatis tentamenta evanescant. Da Domine, ad hanc invocationem tui sanctissimi nominis gratiam, ut qui hucusque terribat, et territus aufugiat, et victus discedat, tibique possit hic famulus tuus mente sincerus, et corde firmatus, debitum præbere famulatum. Per Christum, etc.

Adjuratio II.

Adjuro ✕ te, serpens antique, per Judicem vivorum, et mortuorum, per factorem mundi, per eum qui habet potestatem mittendi te in gehennam, et præcipio tibi, ut ab hoc

famulo Dei, qui ad Ecclesiæ sinum recurrit, discedas festinus cum omnibus maleficiis, et operibus tuis. Adjuro **X**te iterum, atque iterum, non mea infirmitate confusis, sed virtute Spiritus Sancti roboratus: ut ex eas sub pœnis supradictis ab hoc famulo Dei, quem omnipotens Dominus ad imaginem suam fecit.

Da honorem Deo, *ut supra*.

Cede igitur, cede, non mihi sed Ministro Christi. Illius te urget potestas, qui te Cru~~X~~cis suæ subjugavit imperio. Illius brachium contremisce, qui devictis gemitibus inferni, ad lucem animas perduxit: sit tibi terror (*in pectore*) corpus hominis: sit tibi formido (*in fronte*) imago Dei: non resistas, nec moreris discedere ab homine isto, quoniam complacuit Christo in homine habitare; et non me contemnendum putas, dum peccatorem nimis esse cognoscis. Imperat tibi Deus Pater, imperat tibi Deus Filius, imperat tibi Deus Spiritus **X** Sanctus, imperat tibi sacramentum Cru~~X~~cis. Itaque maledicte spiritus, villane, rustice, bestia scabiosa, sus macra, recede in sempiternum à creatura ista.

Da honorem Deo, *ut supra*.

v. Adjuva nos Deus salutaris noster.

r. Et propter gloriam nominis tui libera nos.

v. Dominus vobiscum. r. Et cum spiritu tuo.

OREMUS.

Domine sancte, Pater omnipotens, æterne Deus, qui illum refugum tyranum, et apostatam gehennæ ignibus depustasti, Unigenitumque tuum in hunc mundum misisti, ut illum rugientem contereret, velociter attende, et accelerá, ut eripias hominem ad imaginem et similitudinem tuam creatum à ruina et dæmonio meridiano. Da, Domine, terrorem tuum super bestiam, quæ exterminat vineam tuam. Da fiduciam servis tuis: ut possint pugnare et debellare nequissimum hunc dæmonem, ne conterat sperantes in te; et ne dicat, sicut in Pharaone jam dixit: Deum non novi, Israel non dimitto: urgeat illum dextera tua potens dis-

cedere à famulo tuo, nec diutius præsumat captivum tenere, quem tu ad imaginem tuam facere dignatus es, et in Filio tuo redemisti. Qui tecum vivit, etc.

Adjuratio III.

Conjuro **X**te, seductor spiritus, plene omni dolo et falacia, virtutis inimice, ingrate tuo Creatori; ut cito ex eas à creatura ista. Da locum, impiissime, et spurcissime, da locum Christo, in quo nihil invenisti de operibus tuis; qui te spoliavit, qui regnum tuum destruxit, qui te vincum ligavit, et vasa tua dirupit, qui te project in tenebras infernales, ubi tibi, et sociis erit perpetuus interitus. Quid truculente reniteris, villane, rustice? Quid temerarie detrectas, bestia scabiosa? Reus es omnipotenti Deo, cuius statuta transgressus es. Reus es Filio ejus Iesu-Christo Domino nostro quem tentare ausus es, et crucifigere præsumpsisti. Reus es humano generi, cui cum tuis persuasionibus mortis venenum propinasti. Recede ergo, villane, rustice, et spurcissime, recede.

Da honorem Deo, *ut supra*.

Iterum conjuro **X**te, draco nequissime, in nomine Agni immaculati, qui ambulavit super aspidem, et basilicum, et conculcavit leonem, et draconem; ut discedas (*in fronte*) ab hoc homine, discedas (*super circumstantes*) ab Ecclesia **X** Dei. Fuge ergo villane, auditu nomine illius Domini, quem inferni tremunt, cui Virtutes Cœlorum, Potestates, et Dominationes subjectæ sunt, quem Cherubim, et Seraphim indefessis vocibus laudant dicentes: Sanctus, Sanctus, Sanctus, Dominus Deus Sabaoth.

Ecce Crucem, etc.

Exi spurcissime, exi à creatura ista, imperat tibi Deus, imperat tibi Verbum caro factum, Jesus Nazarenus, qui te, cum Discipulos ejus contemneres, elisum, atque prostratum exire præcepit ab homine; quo præsente cum te ab homine separasset, nec in pororum gregem ingredi præsumebas. Durum est tibi velle resistere, quia quanto tardius exieris,

tanto tibi supplicium crescit, quia non hominem contemnis, sed illum qui es dominator vivorum, et mortuorum, cuius virtute augeantur tibi poenae infernales, donec in sempiternum recedas. **Insurgat in te** spurcissimus ille Lucifer, qui ejectus fuit de cœlo, omni sua indignatione armatus, quem conju~~X~~ro, et præcipio, ut te expellat et præcipitet in fœtidissimum locum Judæ Iscariores, ubi crucieris usque in diem judicii.

r). Amen.

Da honorem Deo, *ut supra*.

v. Domine Deus virtutum exaudi nos.

v. Propter gloriam nominis tui expelle hinc inimicos nostros.

OREMUS.

Omnipotens Domine cœli et terræ, in adjutorium meum intende; et qui potestatem habes donandi vitam post mortem, et requiem post laborem, quia non est alius Deus præter te, nec verus esse potest, nisi tu Creator omnium, qui verus es Rex, cuius imperii non erit finis; exaudi orationem meam, et confirmare dignare præcepta, et sententiam, quam in tuo nomine, et in nomine dilecti Filii tui, et in virtute Spiritus Sancti protuli, et iterum profero contra hunc spiritum malignum, ut famulus tuus iste à vexatione, quam patitur, liberetur. Qui vivis, etc. *Hic dici potest Canticum*: Benedicte omnia opera Domini Domino.

Adjuratio IV.

Maledicte spiritus, pater obscoenitatis et immunditiae, mendax, fallaxque, villane, rustice, atque brutalis bestia, qui elatus, et tuo Creatori rebellis, et ingratus, Deum hominem scilicet Jesum-Christum Dominum nostrum adorare renuisti, et Mariam Virginem purissimam Matrem ejus, reginam, et amicam habere noluisti: qui deceptus à superbia tua, assimiliari voluisti Deo omnipotenti, sedereque in latere aquilonis, ob quam temeritatem pulchritudinem tuam amisisti, et ejectus de cœlesti Paradiſo, æterna gaudia permutasti in damnatio-

nem, et poenam sempiternam: quid ergo hic stas? Discede, maledicte, discede à facie Ministrorum Dei, et Ecclesiæ sanctæ suæ, discede cum omni comitatu tuo, hirce fœdissime; fuge villane, fuge in sempiternum supplicium, quod tibi paratum est ob temeritatem tuam.

Da honorem Deo, etc.

Exi, maledicte spiritus, expulsus in nomine Sanctissimæ Trinitatis Pa~~X~~tris, et Fi~~X~~lli, et Spiritus~~X~~ Sancti: da locum Christo Domino nostro per hoc sacratissimæ Cru~~X~~cis signum: durum est tibi velle resistere, durum est tibi contra stimulum calcitrare: exi villane, exi draco infernalis, imperat tibi ille, qui est dominator vivorum, et mortuorum, et venturus est judicare sæculum per ignem.

Hic dici potest Psalmus LXVII: Exurgat Deus et dissipentur, ut supra pag. 242, et poste:

v. Salvos fac servos tuos. r). Deus meus sperantes in te.

OREMUS.

Deus Abraham, Deus Isaac, Deusque Parentum nostrorum, piissime consolator clamantium ad te, ostende nobis misericordiam tuam, mitte nobis auxilium de cœlo sancto tuo, sanctos Angelos, qui destruant, et separant ab hac creatura tua omnia opera diaboli, et præcipitent in profundum abyssi hos spiritus malignos, qui vexant, et occupant eam ad decipiendam, et perdendam: non in ejus corpore latere permettat neque in ullo vestimento, aut compagine membrorum suorum quiescere sinat, quin manifeste fugiant à creatura, quam tu Domine, non auro, neque argento, neque gemmis prætiosis comparasti, sed prætioso sanguine Jesu-Christi Filii tui. Qui tecum vivit, etc.

Adjuratio V.

Conjuro~~X~~ vos spiritus rebelles, qui hanc creaturam Dei occupare, et molestare vestra obstinata rebellione non cessatis, per Deum~~X~~ Patrem omnipotentem, et per Fi~~X~~lium ejus Jesum-Christum D. N. et per Spiritum~~X~~ Sanctum, per